



Directivas specialas per la construcziun ed allontanaziun da sezs (posts) da catscha e per largias da sittar egl uaul

relaschaus entras

igl uffeci forestal e la suprastanza communal
dalla vischnaunca da Breil

Basa legala

Igl uffeci forestal ha la finamira da migliurar las cundiziuns da sittar las selvaschinas e lubescha tenor suandonts criteris sezs e largias da sittar. La lescha forestala fuorma la basa legala (mo per territori d'ual, ulteriur territori tenor lescha da baghegiar communal).

1. Definiziun d'agids da catscha

plazza da seser	plazzas sempas da seser ord roma per tiara, senza travestgida laterala e tetg; ei resulta negins donns vid la plonta entras guotas, ferradira e.a.v ed/ni entras ligiar cun fildirom, sugas etc. senza midadas da terren.
sez ault movibel	sez ault d'aluminium, material sintetic e.a.v. cun ni senza scala integrada che vegn pusaus enviars ina plonta ni fixaus cun tschentas entuorn il best dalla plonta
sez ault	basa da seser sin combas-lenn (lattas ni bests da plontas) ni sin in pégn, travestgida laterala, cun ni senza tetg
hetta da laghetg temporara	hetta da laghetg che vegn montada sil baun l'entschatta settember e demontada sil pli tard el decuors digl avrel
hetta da laghetg permanenta	hetta da laghetg che resta permanentamein el liug
largia da sittar	allontament da singulas plontas per saver sittar sin la selvaschina giu dad in post da catscha (sez ault ni sez bass)

2. Directivas

- Plazzas da seser basegnan negina lubientscha ufficiala, aschilunsch che las pretensiuns vid talas vegnan respectadas, v.d. negin material jester e negins donns vid las plontas.





- b) Damondas per la construcziun d'agids da catscha ein da far cul formular ufficial per mauns digl uffeci forestal.
- c) Mintga singul agid da catscha ei d'annunziar individualmein cun in formular
- d) Sezs aults e hettas da leghetg che vegnan buca utilisai pli, ston vegnir allontanai entras il possessur. Igl allontanament ei d'annunziar agl uffeci forestal ed al proprietari da terren. Succeda negin allontanament, procura igl uffeci forestal per tal. Ils cuosts vegnan adossai al possessur pertuccau.
- e) Sezs aults e hettas da laghetg che midan possessur ein d'annunziar agl uffeci forestal ed al proprietari da terren cun in niev formular ufficial.
- f) Ils sez aults astgan buca vegnir serrai e ston esser accessibels per tut ils catschadurs.
- g) Ils indrez da catscha (sez aults, hettas da laghetg) ston vegnir construi aschia, ch'ei seresulta negins donns vid singulas plontas ed igl uaul resp. la cultura. En special eis ei scumandau da pitgar ferradira en bests da plontas per fixar aissas, sez ni scalas.
- h) Il volumen maximal dalla construcziun astga muntar max. 1.5 x 1.5 x 2.0 m.
- i) Per la segirtad dils sez aults resp. las hettas da laghetg ei il possessur responsabels cumpleinamein. La vischnaunca refusa tutta responsabladad per accidents e donns che resultan, quei era enviers tiazas personas.
- j) Tier eveniments specials ni situaziuns extraordinarias (p.ex. lenna dil bau, lenna derschida) sa il selvicultur pretender da tut temps igl allontanament immediat dils indrezs da catscha, sche quels impedeschan las lavurs forestalas. Ordlunder resulta pil possessur negin dretg d'indemnisaziun.
- k) Largias da sittar astgan vegnir fatgas mo cul consentiment digl uffeci forestal e dil proprietari d'uaul. Las lavurs astgan vegnir exequidas pér suenter la marcaziun entras il selvicultur.
- l) Cunterfatgas enviers leschas e la directiva avon maun, vegnan punidas.,

UFFECI FORESTAL BREIL

Marc Bundi

SUPRASTONZA COMUNALA BREIL

Il president:

Clau Schlosser

Igl actuar:

Curdin Cadonau

Breil, ils 01 da schaner 2018

